

Saksprotokoll i utval for kultur, idrett og regional utvikling - 14.09.2016

Kjell Håland (A) sette på vegner av A, KrF, Sp og V fram slikt forslag:

«Tillegg til punkt 2, nytt punkt j):

Greie ut om ansvar, eigarskap og finansiering av heile eller delar av spesialisthelsetenestene bør leggjast til dei nye regionane»

Kjell Håland (A) sette på vegner av A, KrF, Sp og V fram slik protokollmerknad:

«Grunngjeving av forslaget til nytt punkt 2 j):

Utval for kultur, idrett og regional utvikling meiner at det vil tene den norske forvaltningsmodellen at staten i større grad organiserer si verksemd slik at ho korresponderer med den folkevalde regionstrukturen.

Det regionale helseføretaket Helse Vest RHF har i dag ansvaret for spesialisthelsetenestene i fylka Rogaland, Hordaland og Sogn og Fjordane.

Utval for kultur, idrett og regional utvikling meiner det bør vurderast om ansvaret for spesialisthelsetenestene kan leggjast til den nye Vestlandsregionen.»

Siri Klokkestuen (A) sette fram slikt forslag (a):

«Tillegg til punkt 6:

Sterke distrikt er ein føresetnad for ei god senterutvikling. Det må vektleggjast tiltak som også stimulerer distrikta. Klimavennlege personbilar og god digital infrastruktur er viktige målretta tiltak. I ei god regional utvikling må ein vektleggje rammevilkår og tiltak som utviklar landbruket som eit avgjerande fundament for reiseliv og matproduksjon.»

Siri Klokkestuen (A) sette fram slikt forslag (b):

«Tillegg til punkt 8:

Sosial bustadbygging og tilrettelegging av bustader skal bidra til integrering av ulike grupper og bør prioriterast.»

Røysting

Det var 12 representantar til stades.

Fylkesrådmannen sitt forslag punkt 1 vart samrøystes vedteke som innstilling til fylkesutvalet.

Håland sitt forslag vart vedteke som innstilling til fylkesutvalet mot 5 røyster (H, Frp) for fylkesrådmannen sitt forslag punkt 2.

Fylkesrådmannen sitt forslag punkt 3, 4 og 5 vart samrøystes vedteke som innstilling til fylkesutvalet.

Fylkesrådmannen sitt forslag punkt 6 med Klokkestuen sitt forslag (a) vart samrøystes vedteke som innstilling til fylkesutvalet.

Fylkesrådmannen sitt forslag punkt 7 vart samrøystes vedteke som innstilling til fylkesutvalet.

Klokkestuen sitt forslag vart vedteke som innstilling til fylkesutvalet mot 2 røyster (Frp) for fylkesrådmannen sitt forslag punkt 8.

Fylkesrådmannen sitt forslag punkt 9 vart samrøystes vedteke som innstilling til fylkesutvalet.

Innstilling til fylkesutvalet

1. Hordaland fylkeskommune meiner det er lagt opp til ein god prosess med tidlege innspel til arbeidet med stortingsmeldinga om «Bærekraftige byer og sterke distrikt». Regional planstrategi med forslag til mål og strategiar og relevante regionale planar gir eit godt fundamentert grunnlag for innspel til meldinga.
2. Fylkeskommunane har gode føresetnader for å kunne vera ein viktig aktør i by- og distriktspolitikken og kan tilpassa tiltak til dei aktuelle utfordringane i fylket. Fylkeskommunen har eit utstrakt samarbeid med kommunane, næringslivet og det regionale statsapparatet. Fylkeskommunen kan både samordna og prioritera innsats dit kor det trengs mest. Styrking av fylkeskommunen fører til styrking av by- og distriktspolitikken. Regionreforma og by- og distriktspolitikken bør derfor sjåast i samanheng.

Fylka Sogn og Fjordane, Hordaland og Rogaland har i eit felles forventingsbrev datert 11.mars.2016 uttalt at fylkeskommunane må få eit tungt ansvar både for utviklingsoppgåver og tenesteproduksjon gjennom regionreforma. Vestlandfylka ber om å få tilført oppgåver innan desse områda:

- a) Statens vegvesen sitt regionapparat, med tilhøyrande fylkesfunksjonar
 - b) Kulturrådet og tildelingar til regionale formål frå Kulturdepartementet
 - c) Kjøp av regionale jernbanetenester
 - d) Delar av Norges forskingsråd sine programområde
 - e) Konesjons- og rettleiingsoppgåver frå NVE og anna regional naturressursforvaltning
 - f) Dei delane av BUF-etat som ikkje kan leggjast til kommunane
 - g) Regionale miljøvern- og landbruksforvaltningsoppgåver som ikkje inneber kontroll og tilsyn
 - h) Integrerings- og mangfaldsdirektoratet (IMDi) sine regionale funksjonar
 - i) I tillegg bør dei statlege høgskulane vurderast overført til regionane
 - j) Greie ut om ansvar, eigarskap og finansiering av heile eller delar av spesialisthelsetenestene bør leggjast til dei nye regionane
3. Fylkeskommunens økonomiske handlingsrom bør styrkast. Rammene må samsvara med oppgåver og utfordringar. Kollektivtransport er eit felt der det ut frå omsynet til berekraftig utvikling vil bli trong for auka rammer. Auka regionalt handlingsrom innan statlege overføringar vil gjera det mogeleg å tilpassa innsats til utfordringar regionalt og lokalt. Fylkeskommunen står forslaget om å prøva ut utviklingsavtalar med statleg finansiering knytt til gjennomføring av regionale planar.
 4. Hordaland fylkeskommune meiner statlege organ må leggja større vekt på regionale planar i spørsmål som gjeld lokalisering, planlegging, forvaltning av økonomiske verkemiddel og forvaltningsvedtak. Det må opprettast reglar og rutinar som sikrar dette innafør alle statlege sektorar.
 5. Berekraftige byar og sterke distrikt må utviklast i samsvar med klimapolitiske mål. Det grønne skiftet må innarbeidast i næringspolitikken gjennom å leggje til rette for miljøvenleg produksjon.
 6. By- og tettstadutvikling er eit prioritert satsingsområde i regional plan for attraktive senter. Utvikling av gode regionsenter er vektlagt spesielt. Statlege organ med publikumsrette tenester og kompetansearbeidsplassar bør bidra til å stø opp under senterstrukturen i fylket ved lokalisering i definerte senter.

Sterke distrikt er ein føresetnad for ei god senterutvikling. Det må vektleggjast tiltak som også stimulerer distrikta. Klimavennlege personbilar og god digital infrastruktur er viktige målretta tiltak. I ei god regional utvikling må ein vektleggje rammevilkår og tiltak som utviklar landbruket som eit avgjerande fundament for reiseliv og matproduksjon.

7. Digital infrastruktur er avgjerande for å utvikla eit moderne samfunn og eit konkurransedyktig næringsliv. Statens nasjonale ansvar for likeverdig nett og fylkeskommunens koordinerande rolle i

infrastrukturbygginga bør styrkast.

8. Kommunale planar bør leggja større vekt på bustadplanlegging. Regionale bustad-, areal- og transportplanar må fylgjast opp i statleg forvaltning. Husbanken sine verkemiddel må knytast sterkare opp til by- og tettstadutvikling og fylgja opp senterstruktur i planane. Sosial bustadbygging og tilrettelegging av bustader skal bidra til integrering av ulike grupper og bør prioriterast.
9. Samspelet mellom utdanningsfeltet og samfunnet må utviklast slik at det er godt samsvar mellom behov og studieplassar. Finansiering og styring av høgskular og universitet må bidra til å utvikla betre kopling mellom utdanning og regionalt arbeidsliv. Hordaland er eit pilotfylke for betre kunnskapsgrunnlag og vil gjennom regional plan for kompetanse og arbeidskraft, førebu moglege tiltak for å styrke samhandlinga regionalt.

Protokollmerknad frå A, KrF, Sp og V

Grunngjeving av forslaget til nytt punkt 2 j):

Utval for kultur, idrett og regional utvikling meiner at det vil tene den norske forvaltningsmodellen at staten i større grad organiserer si verksemd slik at ho korresponderer med den folkevalde regionstrukturen.

Det regionale helseføretaket Helse Vest RHF har i dag ansvaret for spesialisthelsetenestene i fylka Rogaland, Hordaland og Sogn og Fjordane.

Utval for kultur, idrett og regional utvikling meiner det vurderast om ansvaret for spesialisthelsetenestene kan leggjast til den nye Vestlandsregionen.